



SEGUNDA ADDENDA AO CONVENIO TRIANUAL DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN DEPORTIVA GALEGA DE VELA PARA A REALIZACIÓN DO PROGRAMA DE PROMOCIÓN E DESENVOLVEMENTO DA SÚA MODALIDADE DEPORTIVA PARA OS ANOS 2014, 2015 E 2016

En Santiago de Compostela, 8 de xuño de 2016

DUNHA PARTE, o Sr. D. José Ramón Lete Lasa, secretario xeral para o Deporte da Xunta de Galicia, en uso das competencias que lle outorga o Decreto 12/2012, do 4 de xaneiro polo que se establecen os órganos superiores e de dirección dependentes da Presidencia da Xunta de Galicia.

DOUTRA PARTE, o Sr. D. Manuel Villaverde Fernández, presidente da Federación Galega de Vela, en nome e representación da mesma, en exercicio das facultades atribuídas ó efecto polos estatutos federativos.

Ambas partes recoñécense con capacidade para formalizar a segunda addenda ao convenio de colaboración suscrito con data 18 de marzo de 2014 que establece para os anos 2014, 2015 e 2016 as bases de colaboración deportiva e económica entre a Secretaría Xeral para o Deporte e a Federación Galega de Vela e a estes efectos,

EXPOÑEN

1.- Coa finalidade de atender a promoción e fomento do deporte federado da súa modalidade na Comunidade autónoma galega, a Secretaría Xeral para o Deporte asinou, con data 18 de marzo de 2014, un convenio de colaboración coa Federación Galega de Vela por importe total de seiscentos vinte e catro mil cento once euros (624.111,00 €), coa seguinte distribución entre anos e por programas:

PROGRAMAS	2014	2015	2016
Gastos Xerais de Funcionamento	52.000,00€	52.000,00€	52.000,00€
Actividade Deportiva e Competitiva Ordinaria	80.900,00€	80.900,00€	80.900,00€
Programa de Tecnificación e Rendemento – Programa Río 2016	40.000,00€	40.000,00€	40.000,00€
Grupo Especial de Alto Rendemento – Programa Río 2016	26.037,00 €	26.037,00 €	26.037,00 €



Outros proxectos de especial relevancia:			
-Actividade promoción vela Castrelo do Miño	1.500,00€	1.500,00€	1.500,00€
-Regatas do Trofeo Presidente	3.600,00€	3.600,00€	3.600,00€
-Copa Ibérica Portugal	4.000,00€	4.000,00€	4.000,00€
TOTAL:	208.037,00 €	208.037,00 €	208.037,00 €

2.- O 29 de xuño de 2015, acórdase coa firma dunha primeira addenda, reestruturar o cadro de financiamento que figura no convenio como anexo I co seguinte detalle:

PROGRAMAS	2015	2016
Gastos Xerais de Funcionamento	52.000 €	52.000 €
Actividade Deportiva e Competitiva Ordinaria	80.900 €	80.900 €
Programa de Tecnificación e Rendemento		
CLASE 470: Sofía Toro y Laura Sarasola (RCN Coruña / CM Oza "O Puntal") Nicolás Rodríguez (RCN Vigo) Patricia Suárez y Pilar Amaro (RCN Vigo) Adrián Domínguez y Calixto Abalo, a partir de abril. (LC Vilagarcía) Andrés Álvarez y Pablo García, a partir de xullo. (RCM Aguete)	40.000 €	40.000 €
CLASE 49ER: Luis Bugallo y Daniel Álvarez (RCN Vigo / RCN Portosín)		
CLASE Rsx: Tomás Vieito (CN Punta Lagoa)		
CLASE 2.4MR (clase paralímpica): Francisco Javier Piñeiro (CD Vela Escota)		
Grupo Especial de Alto Rendemento –		
Programa Río 2016 Antón Paz Blanco Carlos Paz Fernando Echavarri Erasmum Tamara Echegoyen Domínguez	26.037 €	26.037 €



Outros proxectos de especial relevancia		
Actividade promoción vela Castrelo do Miño	1.500 €	1.500 €
Regatas do trofeo Presidente	3.600 €	3.600 €
Regatas nacionais	4.000 €	4.000 €
TOTAL:	208.037 €	208.037 €

3.- A cláusula novena do Convenio de Colaboración prevé a creación dunha comisión integrada por dous representantes de cada unha das partes asinantes do convenio (Secretaría Xeral para o Deporte e Federación Galega de Vela) coa finalidade de efectuar un seguimento do grao de execución dos programas previstos no convenio e a solución de controversias que a súa interpretación poida motivar.

Esta comisión reúnese con data 11 de febreiro de 2015 e tal e como consta na acta asinada por Dna. Laura María Mosquera Escudero, subdirectora xeral de Plans e Programas e D. Sebastián Selas Díaz, xefe de Servizo de Deporte en Idade Escolar, en representación da Xunta de Galicia e D. Manuel Villaverde Fernández, presidente, e D. Alberto García Villar director técnico, en representación da Federación Galega de Vela, quedou informada de que co obxecto de concretar a preparación cara a Río 2016 a Secretaría Xeral para o Deporte vese obrigada a facer unha modificación do anexo I sen que esta supoña variación na contía asignada no mesmo, aínda que se establecerá un reparto económico diferente nos programas de actuación por parte da Federación Galega de Vela así como una relación concreta dos deportistas galegos que conforman o grupo de preparación cara ao Xogos Olímpicos de Río 2016.

A subdirectora xeral de Plans e Programas informa da reestruturación do cadro de financiamento aprobado na primeira addenda no que se adjudicaba para a anualidade de 2015 unha contía de 9.100 € en "Outros Proxectos de Especial Relevancia" para a realización do Trofeo Presidente, Actividade de promoción de vela en Castrelo do Miño e Regatas nacionais. Para o ano 2016, no seu lugar adicaranse 5.600 € para a realización dos seguintes proxectos:

Campionato Ibérico 420	1.000 €
Campionato de España 470	1.000 €
Regatas do Trofeo Presidente	3.600 €

No Grupo especial de alto Rendemento – Programa Río 2016, que figura no anexo I aprobado na addenda do 29 de xuño de 2015, e necesario engadir a



unha deportista que o ano anterior estaba contemplada no programa de tecnificación e rendemento pero tras os resultados acadados en 2015, entra nesta nova tempada con opcións na carreira olímpica para clasificarse de cara aos Xogos Olímpicos de Río 2016. Esta nova deportista é Sofía Toro Prieto Puga que navegará na clase olímpica 470.

No ano 2016 este grupo quedará formado por 6 deportistas aos que se asignarán unha contía total de 26.037 euros repartidos da seguinte maneira en función das necesidades específicas de cada un no seu proceso de clasificación olímpica.

DEPORTISTA	CLASE	CONTÍA
Antón Paz Blanco	49er	3.872 €
Carlos Paz Blanco	49er	3.872 €
Fernando Echavarri Erasmu	Nacra	6.672 €
Tamara Echegoyen Domínguez	49erFx	3.872 €
Iago López Marra	49er	3.872 €
Sofía Toro Prieto Puga	470	3.872 €

O programa de tecnificación e rendemento quedará estruturado para o ano 2016 da seguinte maneira:

TECNIFICACIÓN:Clases estratéxicas infantís y xuvenís

Clase Optimist
Clase Láser 4.7 e Radial
Clase 420 Xuvenil

RENDIMIENTO:Clases olímpicas e paralímpicas

Clase 470m e 470f
Clase 49er e 49er fx
Clase finn
Clase rsx m e rsx f
Clase láser estándar e radial feminino
Clase Nacra 17
Clases paralímpicas

Para as clases de tecnificación, en función dos seus resultados nos rankings autonómicos, as Seleccións Galegas de Vela cambian os seus compoñentes ao longo do ano, ao igual que ocorre no Programa de Rendemento, onde os regatistas de Clases Olímpicas tamén poden variar, polo que no se especificarán os nomes dos deportistas asinados a cada unha das clases dentro de cada programa.

Así mesmo, modifícanse de novo algunhas cláusulas de convenio inicialmente asinado co fin de adaptalo á lexislación vixente e optimizar a súa xustificación.



A tal efecto, as partes subscriben a presenta addenda que se suxeitará as seguintes

CLÁUSULAS

Primeira.- Acórdase reestruturar o cadro de financiamento que figura no convenio como anexo I co seguinte detalle:

PROGRAMA	2016
Gastos Xerais de Funcionamento	52.000 €
Actividade Deportiva e Competitiva Ordinaria	30.900 €
Programa tecnificación e rendemento Río 2016	
TECNIFICACIÓN:	
Clases estratéxicas infantís y xuvenís	
Clase Optimist	
Clase Láser 4.7 e Radial	
Clase 420 Xuvenil	
RENDIMIENTO:	
Clases olímpicas e paralímpicas	90.000 €
Clase 470m e 470f	
Clase 49er e 49er fx	
Clase finn	
Clase rsx m e rsx f	
Clase láser estándar e radial feminino	
Clase Nacra 17	
Clases paralímpicas	
Grupo especial alto rendemento Río 2016	26.037 €
Preparación olímpica:	
Antón Paz Blanco	3.873 €
Carlos Paz	3.873 €
Fernando Echavarri Erasum	6.672 €
Tamara Echegoyen Domínguez	3.873 €
Iago López Marra	3.873 €
Sofía Toro Prieto Puga	3.873 €
Outros proxectos de especial relevancia	5.600 €
Campionato Ibérico 420	1.000 €
Campionato de España 470	1.000 €
Regatas do Trofeo Presidente	3.600 €
TOTAL:	204.537 €



Segunda.- Incorpóranse na cláusula número catro do convenio as seguintes obrigas da Federación:

4.6. Velar polo cumprimento das normas fixadas polas autoridades en materia de prevención e loita contra a dopaxe no deporte.

4.7. Velar polo cumprimento das normas fixadas polas autoridades en materia de prevención e loita contra a violencia no deporte.

Terceira.- Incorpóranse na cláusula quinta do convenio, pagamento, o seguinte apartado:

5.3. Non se realizará ningún pagamento senón se cumpre o establecido na Lei 19/2013, de 9 de decembro, de transparencia, acceso á información pública e bo goberno, e na Lei 1/2016, do 18 de xaneiro, de transparencia e bo goberno.

Cuarta.- Na cláusula sétima do convenio, gastos subvencionables, modifícanse os seguintes apartados:

Apartado a):

No programa "Gastos xerais de funcionamento":

- a. As remuneracións de traballadores federativos, e as súas correspondentes cotizacións obrigatorias á Seguridade Social e á Facenda Pública (I.R.P.F.), incluíndose nestes o persoal administrativo, de limpeza, mantemento, conserxería ou similar.

Estas remuneracións deberán ser de igual contía para homes que para mulleres nos mesmos niveis laborais.

Co obxectivo de garantir o dereito á igualdade salarial e á non discriminación retributiva entre homes e mulleres, no caso de que a Federación teña en equivalentes niveis laborais traballadores mulleres e traballadores homes, só poderán ser obxecto de subvención as remuneracións respecto das que se garante, a través da oportuna certificación emitida polo secretario co visto bo do presidente, a igualdade salarial entre homes e mulleres.

- b. Gastos de servizos profesionais independentes, entre outros: servizos de limpeza/mantemento externos ou similar, asesoría xurídica, xestión laboral, auditoría, protección de datos, sistema contable ou similar.
- c. Gastos de aloxamento, manutención e gastos de viaxe do persoal directivo pola asistencia a asembleas, reunións, competicións, comités técnicos ou similares, sendo de aplicación por analogía o establecido no Decreto 144/2001, de 7 de xuño, sobre indemnizacións por razón do servizo ao persoal con destino na Administración autonómica de Galicia para o grupo II, é dicir:



Manutención completa: 37,40 €

Media manutención: 18,70 €

Aloxamento: 65,97 €

Kilometraxe en vehículo particular: 0,19 € /km

Para xustificar os gastos de aloxamento, peaxes e aparcadoiro é preciso presentar as facturas xustificativas do gasto cos seus correspondentes xustificantes de pagamento.

Cando se presenten facturas que excedan estas cantidades, so será xustificable o importe establecido no Decreto citado anteriormente.

Non poderán incluírse neste apartado os desprazamentos ordinarios á sede federativa.

- d. Gastos da sede federativa: alugueres (se procede), pago de impostos, gastos de comunidade, consumos de explotación (auga, enerxía), material de oficina.
- e. Reparacións e conservación: reparacións na sede, mantemento de equipos (servizos informáticos, fotocopiadora, Fax).
- f. Os gastos derivados da utilización dos vehículos e outros medios de transporte federativos (seguros, mantemento, reparacións, combustible, peaxes, aparcadoiros etc) que se imputen exclusivamente ao programa de gastos xerais. A estes efectos, a federación deberá aportar na primeira xustificación unha certificación asinada polo seu presidente e secretario onde relacione todos os medios de transporte federativos, detallando a utilidade de cada un deles e a que programa de este convenio se imputarán os seus gastos.

A xustificación farase coas correspondentes facturas ou facturas simplificadas. No caso dos gastos de combustible, na factura deberá figurar a matrícula do medio de transporte federativo. Se para os pagamentos se utilizan tarxetas de combustible estas deberán ir vinculadas a un vehículo federativo, non a persoas concretas.

- g. Comunicacións: páxina web, teléfono, internet, Fax, mensaxería
- h. Gastos bancarios: Gastos póliza créditos ponte.

Apartado b):

No programa "Actividade deportiva e competitiva ordinaria": Son aqueles relacionados directamente e de xeito indubidable coa actividade deportiva da federación, entre outros:

- a. Material deportivo para competicións (non inventariable).



- b. Gastos derivados das instalacións específicas para o uso da súa actividade deportiva (aluguer de pavillóns, aluguer de piscinas, aluguer de pistas deportivas, refuxios de montaña...etc).
- c. Pagos a entidades deportivas derivados da delegación da organización dunha determinada actividade deportiva, sempre e cando se cumpra o establecido no punto tres (3) da cláusula sétima (7ª) deste convenio.
- d. Equipacións seleccións (roupa, equipaxes).
- e. Gastos de canons federativos e inscrición a competicións.
- f. Gastos en licenzas extraordinarias.
- g. Gastos en desprazamentos:

Recollen os gastos relativos ao transporte, manutención e aloxamento de deportistas, técnicos, xuíces e árbitros pola súa participación ou asistencia a eventos deportivos. A xustificación farase coas correspondentes facturas, facturas simplificadas e billetes de transporte e incluírá en todo caso o motivo e o lugar ao que se viaxa, o intervalo de datas no que se produciu a viaxe e a relación dos viaxeiros e a súa función. No caso de ser xestionado por unha axencia de viaxes deberá presentarse ademais a factura detallada dos servizos prestados e documento acreditativo do pagamento da mesma.

- h. Gastos de organización ou colaboración en competicións: arbitrxes, ambulancias, publicidade, carteleira, trofeos, medallas, etc.
- i. Os gastos derivados da utilización dos vehículos e outros medios de transporte federativos (seguros, mantemento, reparacións, combustible, peaxes, aparcadoiros etc) que se imputen exclusivamente ao programa de actividade ordinaria. A estes efectos, a federación deberá aportar coa primeira xustificación unha certificación asinada polo seu presidente e secretario onde relacione todos os medios de transporte federativos, detallando a utilidade de cada un deles e a que programa de este convenio se imputarán os seus gastos.

A xustificación farase coas correspondentes facturas ou facturas simplificadas. No caso dos gastos de combustible, na factura deberá figurar a matrícula do medio de transporte federativo. Se para os pagamentos se utilizan tarxetas de combustible estas deberán ir vinculadas a un vehículo federativo, non a persoas concretas.

- j. Gastos derivados da contratación de seguros exclusivos para unha actividade deportiva sempre que non sexan abonados en ningún caso polos participantes.
- k. Gastos derivados da prestación de servizos de persoal técnico ou docente no desenvolvemento de cursos formativos relacionados coa actividade deportiva ordinaria.



Apartado c):

No programa de "Tecnificación e Rendemento", os gastos xustificandos corresponden ao grupo de deportistas vinculados a este programa, e poderán incluírse os seguintes :

- a. As remuneracións do persoal técnico, e as súas correspondentes cotizacións obrigatorias á Seguridade Social e á Facenda Pública (I.R.P.F.), incluíndose nestes o director técnico, adestradores e outros profesionais de apoio que axuden á mellora do rendemento deportivo (fisioterapeuta, psicólogo, masaxista, nutricionista, etc.). Estas remuneracións deberán ser de igual contía para homes que para mulleres nos mesmos niveis laborais.

Co obxectivo de garantir o dereito á igualdade salarial e á non discriminación retributiva entre homes e mulleres, no caso de que a Federación teña en equivalentes niveis laborais traballadores mulleres e traballadores homes, só poderán ser obxecto de subvención as remuneracións respecto das que se garante, a través da oportuna certificación emitida polo secretario co visto bo do presidente, a igualdade salarial entre homes e mulleres.

- b. Gastos de aloxamento e manutención dos deportistas incluídos no programa: aluguer, mantemento, consumos auga, electricidade, gas, e alimentación. Na memoria xustificativa de gastos deberán relacionar que deportistas da federación están vinculados a este programa.

- c. Gastos en desprazamentos:

Recollen os gastos relativos ao transporte, manutención e aloxamento dos deportistas e adestradores incluídos no programa de Tecnificación derivados da asistencia a concentracións, adestramentos e competicións. A xustificación farase coas correspondentes facturas, facturas simplificadas e billetes de transporte e incluírá en todo caso o motivo e o lugar ao que se viaxa, o intervalo de datas no que se produciu a viaxe e a relación dos viaxeiros e a súa función. No caso de ser xestionado por unha axencia de viaxes deberá presentarse ademais a factura detallada dos servizos prestados e documento acreditativo do pagamento da mesma.

- d. Material deportivo (non inventariable) e roupa deportiva do grupo de deportistas incluídos no programa.

- e. Os gastos derivados da utilización dos vehículos e outros medios de transporte federativos (seguros, mantemento, reparacións, combustible, peaxes, aparcadoiros etc) que se imputen exclusivamente ao programa de Tecnificación e rendemento. A estes efectos, a federación deberá aportar coa primeira xustificación unha certificación asinada polo seu presidente e secretario onde relacione todos os medios de transporte



federativos, detallando a utilidade de cada un deles e a que programa de este convenio se imputará o seu gasto.

- f. A xustificación farase coas correspondentes facturas ou facturas simplificadas. No caso dos gastos de combustible, na factura deberá figurar a matrícula do medio de transporte federativo. Se para os pagamentos se utilizan tarxetas de combustible estas deberán ir vinculadas a un vehículo federativo, non a persoas concretas.
- g. Gastos derivados da prestación de servizos de persoal técnico ou docente no desenvolvemento de cursos formativos relacionados coa actividade de tecnificación e rendemento.

Todas as facturas imputables a este programa deben reflectir expresamente que están destinadas ao programa de "Tecnificación e Rendemento".

Apartado d):

No programa "Grupo especial de alto rendemento – Programa Río 2016", engádesse un novo apartado ao establecido na primeira addenda:

- d. Axudas directas a deportistas que figuren nominativamente no programa de Río 2016, sempre que se xustifique o pagamento mediante unha transferencia bancaria a súa conta por parte da Federación.

Apartado e):

No programa "Actividade deportiva en Idade Escolar": Gastos derivados da organización da actividade deportiva federada do Programa XOGADE. Entre estes gastos atópanse:

- a. Gastos en desprazamentos:

Recollen os gastos relativos ao transporte, manutención e aloxamento de técnicos, delegados e árbitros pola súa participación ou asistencia a eventos deportivos do programa "Actividade deportiva en Idade Escolar". A xustificación farase coas correspondentes facturas, facturas simplificadas e billetes de transporte e incluírá en todo caso o motivo e o lugar ao que se viaxa, o intervalo de datas no que se produciu a viaxe e a relación dos viaxeiros e a súa función. No caso de ser xestionado por unha axencia de viaxes deberá presentarse ademais a factura detallada dos servizos prestados e documento acreditativo do pagamento da mesma.

- b. Gastos de organización ou colaboración en competicións: arbitrxes, ambulancias, publicidade, carteleira, trofeos, medallas, etc.

Todas as facturas imputables a este programa deben reflectir expresamente que están destinadas ao programa de "Actividade Deportiva en Idade Escolar".



Apartado f):

No programa "Outros proxectos de especial relevancia": gastos derivados da organización e execución do proxecto. Os importes asignados aos proxectos deste programa terán carácter finalista.

No caso dos proxectos de especial relevancia destinados a deportistas con características e necesidades especiais enfocados á promoción de talentos en modalidades olímpicas e non olímpicas poderán xustificarse dentro deste apartado:

- a. Gastos de aloxamento, desprazamento e manutención dos deportistas incluídos no proxecto por asistencia a concentracións, adestramentos e competicións.
- b. Material deportivo e roupa deportiva do grupo de deportistas incluídos no proxecto.
- c. Inscricións dos deportistas incluídos nos proxectos en competicións deportivas.

Todas as facturas imputables a este programa deben reflectir o proxecto concreto ao que están destinadas.

Quinta.- Modifícase a cláusula décimo primeira, supostos de reintegro, quedando redactada como segue:

No caso de que o beneficiario da subvención incumprise o disposto neste convenio, a Secretaría Xeral para o Deporte revogará total ou parcialmente a subvención concedida, logo da audiencia do interesado.

Procederá o reintegro total ou parcial ao beneficiario das cantidades percibidas e a esixencia dos xuros de mora correspondentes, en aplicación do disposto nos artigos 33 e seguintes da Lei 9/2007, de 13 de xuño, de subvencións de Galicia. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da Lei 9/2007, de 13 de xuño, de subvencións de Galicia.

Sexta.- Modifícase o anexo VI incorporado na primeira addenda establecendo o modelo que figura a continuación:

ANEXO VI

CERTIFICACIÓN

Don/Dona OSCAR GONZÁLEZ PRADA
Secretario da Federación Galega de VEIA



CERTIFICA:

Que na páxina web da Federación Galega de VELA existe un apartado denominado "Transparencia" onde consta, polo menos, a seguinte información:

1. Información institucional, organizativa e de planificación
 - a. Funcións: As federacións deportivas galegas son entidades privadas sen ánimo de lucro que, xunto as funcións que lle son propias polo seu ámbito de actuación privada, exercen por delegación funcións públicas delegadas (art. 51.4 da Lei 3/2012, de 2 de abril, do deporte de Galicia). As funcións ás que se deberá dar publicidade son as que se especifican no art. 56 da Lei do Deporte de Galicia, e recollidas tamén nos respectivos Estatutos federativos.
 - b. Normativa aplicable:
 - Lei 3/2012, de 2 de abril, do deporte de Galicia, ou norma que a substitúa.
 - Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, ou norma que a substitúa.
 - Orde do 8 de setembro de 2010 pola que se establecen os criterios para a elaboración de regulamentos e a realización dos procesos electorais nas federacións deportivas galegas, ou norma que a substitúa.
 - Resolución do 8 de setembro de 2009, da secretaria xeral para o Deporte, pola que se ditan as Normas de bo goberno das federacións deportivas de Galicia, ou ou norma que a substitúa.
 - Resto de normativa aplicable ás federacións deportivas que se aprobe, así como a propia de cada entidade (Estatutos, Regulamentos, etc.)
 - c. Estrutura organizativa: Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos.
2. Información económica, orzamentaria e estatística
 - a. Relación de contratos subscritos cunha Administración pública con indicación de: obxecto e duración; importe de licitación e adjudicación; procedemento de celebración; no seu caso, instrumentos a través dos cales se publicitou; número de licitadores no procedemento; identidade do adjudicatario; no seu caso, modificacións do contrato, decisións de desistimento e renuncia dos contratos; e, finalmente, porcentaxe total do contrato sobre o orzamento total da federación.
 Se os contratos tiveran unha duración inferior a un ano e os seus importes foran inferiores a 50.000 euros, cando se trate de contratos de obras, ou a 18.000 euros cando se trate doutros contratos, a información poderá cumprimentarse trimestralmente.
 - b. Relación de convenios subscritos cunha Administración Pública, indicándose: partes asinantes, obxecto e duración, modificacións realizadas, partes obrigadas á realización das prestacións e, no seu caso, obrigas económicas convidas.
 Neste apartado informarase tamén das subcontratacións que se realicen con mención dos adjudicatarios, procedemento seguido para a adjudicación e importe da mesma.
 - c. Subvencións e axudas concedidas pola entidade ou recibidas dunha Administración pública, con indicación do seu importe, obxectivo ou finalidade, e beneficiarios.
 - d. Orzamentos federativos, con descrición das principais partidas e información actualizada e comprensible sobre o seu estado de execución.
 - e. Contas anuais aprobadas pola Asemblea, informes de auditoría de contas, e informes de fiscalización complementarios que existan.
 - f. Retribucións anuais (soldos e dietas) dos máximos responsables federativos: Presidente/a, Secretario/a, Xerente, Tesoreiro/a, Director/a Técnico/a e demais membros dos órganos da Federación que perciban retribucións. Igualmente, faranse públicas as indemnizacións percibidas, no seu caso, con ocasión do abandono do cargo.

E para que conste, expido o presente certificado,
 En VIGO a 26 de MAIO de 2016

O Secretario Visto bo do Presidente

En proba de canto antecede, as partes que interveñen asinan a presente addenda no lugar e data reseñado no encabezamento.

O secretario xeral para o Deporte

O presidente da Federación Galega de Vela



José Ramón Lete Lasa



Manuel Villaverde Fernández